

ꦲꦮꦶꦒꦲꦮꦶꦒꦢꦺꦱꦏꦫꦁꦢꦭꦺꦩ

AWIG-AWIG DESA ADAT KARANG DALEM

ꦢꦺꦱꦏꦫꦁꦢꦭꦺꦩꦧꦺꦤ꧀ꦠꦶꦮꦶ

DESA BONGKASA PERTIWI



ꦏꦺꦴꦩꦠꦠꦤ꧀ꦨꦭꦤ꧀ꦱꦺꦩꦭꦏꦧꦸꦥꦠꦺꦤ꧀ꦨꦢꦸꦁ

KECAMATAN ABLANSEMAL, KABUPATEN BADUNG

ꦮꦫꦱꦱꦏꦺꦴꦩꦠꦠꦤ꧀ꦨꦭꦤ꧀ꦱꦺꦩꦭ

WARSA, 2010.

PIDAGING MAKA BANTANG AWIG – AWIG DESA ADAT KARANG DALEM

CARA CITA :	
SARGA I	: ARAN LAN WEWIDANGAN	1
SARGA II	: PETITIS LAN PAMIKUKUH	2
SARGA III	: SUKERTA TATA PEKRAMAN	3
	Palet 1 indik dewa yadnya.....	3
	Palet 2 indik Prajuru Desa	8
	Palet 3 indik Kulkul	11
	Palet 4 indik Parum	13
	Palet 5 indik Druwen Desa	15
	Palet 6 Sukerta lan Pamitegep	16
	Kaping 1 Karang lan Tegal	16
	Kaping 2 Pepayonan	19
	Kaping 3 Wewangunan	21
	Kaping 4 Wewalungan	21
	Kaping 5 Bhaya	23
	Kaping 6 Maling lan Rerusakan	24
SARGA IV	: SUKERTA TATA AGAMA	25
	Palet 1 indik Dewa Yadnya	25
	Palet 2 indik Resi Yadnya	34
	Palet 3 indik Pitra Yadnya	35
	Palet 4 indik Manusa Yadnya	40
	Palet 5 indik Bhuta Yadnya	42
SARGA V	: SUKERTA TATA PAWONGAN	44
	Palet 1 indik Pawiwahan	44
	Palet 2 indik Nyapian	51

	Palet 3 indik Sentana	55
	Palet 4 indik Warisan	56
SARGA VI	: WICARA LAN PAMIDANDA	58
	Palet 1 indik Wicara	58
	Palet 2 indik Pamidanda	59
SARGA VII	: NGUWAH – NGUWUHIN AWIG – AWIG ...	62
	Palet 1 Nguwah-nguwuhin awig-awig.....	62

BIDANG – BIDANGAN

AWIG-AWIG DESA ADAT KARANG DALEM

CARA - CITTA

Om Awighnamastu Nama Sidham

Om Saraswati Bhaktya Namah.

Malarapan saking panghyaning kalih pasuwecan Ida Sang Hyang Widhi Wasa, ledang asung micayang wara nugraha marupa kerahajengan sajroning wahya dhyatmika saha ngawetuang kahuripan sekala niskala ring Bhuana Agung lan Bhuana Alit sane ketah kabaos Tri Hita Karana. Pasuwecan Sang Hyang Widhi Wasa sane niskala dhyatmika merupa Sang Hyang Agama maka suluh dahat utama ring Bhuana Agung miwah Bhuana Alit.

Pasuwecan Ida Sang Hyang Widhi sane sekala kabaos Tri Hita Karana puniki, ngawetuang Tri Lingga Desa minakadi :

1. Kahyangan Tiga pinaka murdaning Desa Adat sane kabaos Utama Lingga.
2. Palemahan utawi Karang Desa sane kabaos Madya Lingga.
3. Setra sane kabaos Nista Lingga.

Tri Lingga ring ajeng maikat tan dados pasah ring krama Desa Adat Karang Dalem sane nyanggra pasuwecan Ida Sang Hyang Widhi Wasa inucap.

Malarapan saking manah sagilik saguluk, salunglung sabayantaka, titiang krama Desa Adat Karang Dalem mapidabdab ngardi awig-awig sane kemanggehang sepat siku-siku ring Desa Adat Karang Dalem, anggen mikukuhang Agama Hindu miwah tata krama sane mabuat ring Desa Adat, madasar antuk dresta miwah purwa dresta.

Sajabaning dresta inucap janten sampun kainggilang minakadi Pancasila, Undang-Undang Dasar 1945, miwah peraturan Negara Republik Indonesia.

Mewastu perayojana kabeh manggihang sukerta-kajaghatdhiton manut linging awig-awig sekadi ring sor.

SARGA : I

ARAN LAN WEWIDANGAN DESA

Paos : 1

Wewidangan kalih wewenang Desa :

1. Desa Adat puniki mewasta Desa Adat Karang Dalem.
2. Jimbar wewidangan mawasta nyatur luire :
 - ha. Sisi Wetan Kangin Tukad Ayung.
 - na. Sisi Kidul Kelod Desa Adat Bongkasa.
 - ca. Sisi Kauh Desa Adat Taman.
 - ra. Sisi Lor Kaler Desa Adat Br. Karang Dalem Tua.
3. Desa Adat Karang Dalem kawangun antuk karang ayahan Desa, Banjar Adat Karang Dalem.
4. Wewidangan palemahan suang-suang kemanggehang antuk paruman Banjar Adat Karang Dalem.
5. Banjar wenang ngardi awig-awig, sane mauger-uger antuk awig-awig Desa kalih tan wenang maimpas utawi tungkas saking peraturan pemerintah.
6. Banjar patut madue piranti mekadi Bale Banjar, Pura Melanting lan Bale Kulkul.

SARGA : II

PETITIS LAN PAMIKUKUH

Paos : 2

Desa Adat Karang Dalem ngamanggehang :

1. Desa Adat Karang Dalem puniki ngemanggehang lan mapikukuh antuk / mekadi :
 - ha. Pancasila
 - na. Tri Hita Karana manut Tatwaning Bhuana Agung
 - ca. Undang-Undang Dasar 1945 pemekas Pasal 18
 - ra. Perda Nomor : 06. th. 1986

Paos : 3

Petitis Desa

Petitis Desa Punika Luire :

1. Mikukuhang muah ngarajegan Sang Hyang Agama
2. Nginggilang prawertining agama Hindu
3. Ngarajegang sukertaning Desa saha Pawongannya sekala lan niskala
4. Ngincepang pangeweruh kasusilan lan pangupa jiwa

SARGA : III

TATA PEKRAMAN

Palet : 1

Paos : 4

Sang jumenek ring Desa Adat Karang Dalem :

1. Sahaning sang jumenek mapaumahan ring wewidangan Desa sinanggeh wong Desa Adat Karang Dalem
2. Sane kabaos krama, wong Desa sane meagama Hindu, nanggap wiadin kakuwub/nempel sajroning karang desa.
3. Sejaba punika angka 2 ring ajeng sinanggeh tamiu, wong dura Desa magenah ring Desa Karang Dalem langkungan ring 6 sasih katunasang kadi ring sor :
 - ha. Nyaga sukertaning Desa ritatkala kahanan Panca Bhaya.
 - na. Mareresik sajroning wewidangan Desa Bongkasa
 - ca. Katunasin gana punia ngetigang sasih manut pararem.

Paos : 5

Pawilangan Krama

Krama wenten 4 (petang) soroh bebacakan ipun luire :

1. Krama ngarap wong desa sane nganggep karang Desa.

2. Krama pangele kawangun antuk makadi :

ha. Wong desa saking Desa Karang Dalem sane wenten dadudonan waris nempel, kakuwub ring krama ngarep

na. wong dura Desa magenah ring Desa Karang Dalem nempel kakuwub ring krama ngarep.

ca. Krama Paron, wong desa sane ngawit saking krama ring ajeng penyade tur sampun madrue paumahan jenek.

ra. Krama pangele, wong Desa saking dura desa kakuub/nempel kadi ring krama ngarep.

Paos : 6

Ngeranjing Dados Krama

Ngeranjing Dados Krama kadi sing sor :

1. Sangkaning Pinunas.
2. Sangkaning Ngemong Karang Desa.
3. Sangkaning Pawiwahan.

Paos : 7

Dharmaning Krama

Dharmaning krama kadi ring sor, luire :

1. Nyejerang saha tinut ring daging awig-awig.

2. Bakti kalih satindih ring Desa.
3. Natak tis/panes marupa ayah urunan marupa arta brana ngardi kabecikan Desane sekala niskala.

Paos : 8

Wewenang Krama

Polih pesayuban kalih kasukertan rikalaning kehanan panca bhaya kaunggang sajroning awig-awig, parareman Desa/Banjar, sane marupa penyacah awig-awig desa puniki

Paos : 9

Panumayan tedun ngawitin ngeranjing dados krama, ngawitin tedun ngeranjing dados krama, ngetahun ngawitin sasih kesanga, ngantos kedasa.

Paos : 10

Ayah Kalih Urunan

1. Krama ngarep wenang ngamedalang ayah kalih urunan mepek.
2. Krama pengele ayah kalih urunan kamanggehang manut putusan Parareman Desa.

Paos : 11

Ayah Kalih Urunan Balu

1. Bebacakan balu wenten kalih paos luire :
 - ha. Balu ngelintik
 - na. Balu ngempu
2. Balu ngelintik teges ipun (balu tan madruwe ayah penyade wiyadin ayah pengele) keni ayah ategen/asibak yan ipun balu luh keni luh kewanten, urunan keni mepek
3. Balu ngempu teges ipun balu madruwe ayah, penyade wiadin pengele, manut paos : 5, balu inucap patut keni ayah kalih urunan mepek.

Paos : 12

Luput Ayah

1. Sane polih luput ayah prajuru manut paos : 16, Pemangku manut paos 4b, selaminya dados pemangku kalih prajuru
2. Warga Desane sane wawu nganggep karang polih luput sekirang-kirang ipun atahun, kalih selamin-laminnya kalih tahun nyantos panumayan sasihe tedun manut paos : 9 angka 1.

Paos : 15

Sang Wusan Makrama Patut

1. Yan ayah ngarep, patut ngaturang karang ayahannya ke Desa
2. Tan polih pah-pahan druwen Desa.

Palet : 2

Paos : 16

Indik Prajuru Desa

1. Desa Adat Karang Dalem puniki kaenterang antuk Klian Desa Adat
2. Banjar kaenterang antuk Klian Banjar Adat
3. Klian Desa Adat wiadin Klian Banjar Adat patut mawit saking krama ngarep
4. Klian Desa Adat patut kaadegan sekirang-kirang ipun limang warsa, tur kengin kapilih malih
5. Ngawit kaadegan patut ngaturang Dewa Saksi ring Pura Desa/Bale Agung

Paos : 17

Klian Desa Adat kasanggra antuk :

1. Patajuh utawi pangliman pinaka wakil
2. Panyarikan pinaka juru tulis.

3. Patengen miwah sane siosan manut kawigunan ipun
4. Sajroning Banjar kaenterang antuk Klian Banjar Adat pinaka penampa Klian Desa Adat, akeh kidik Prajuru Banjar Adat, manut kawigunanipun
5. Kasinoman akehnya manut kawigunan

Paos : 18

Swadharmaning Klian Desa Adat, miwah Klian Banjar Adat luire :

1. Ngenterang sadaging awig-awig miwah putusan Pararem
2. Nuntun miwah ngenterang krama rauhing warga Desane ngupadi petitis Paos : 3
3. Maosin miwah niwakang pamutus wicara luire :
Yan sang wicara sami-sami sajroning Banjar, wenang Klian Banjar Adat nguwehin pamutus, sapunika taler yan wicara sami-sami sajroning Desa wenang Klian Desa Adat niwakang pamutus
4. Prade sang mawicara tan cumpu ring pamutus Klian Banjar Adat wiadin Klian Desa Adat, wicara inucap patut kalanturang ring sang rumaos makadi Klian Dinas miwah Kepala Desa utawi Lurah
5. Klian Desa wiadin Klian Banjar Adat rikala maosin wicara kasanggra olih sakirang-kirangnyane 2 (kalih) diri seakeh-akehipun 4 (petang) diri merupa angga kerta desa.

6. Angga utawi penyanggra ring ajeng kajudi antuk Klian Desa wiadin Klian Banjar Adat pinaka penua Kerta Desa inucap
7. Wicara sane wenang kabaosin/kawehin pamutus i krama Desane nungkasin daging awig-awig miwah pararem

Paos : 19

Petias Utawi Olih-Olihan Prajuru Desa

1. Luput pepeson kalih ayah
2. Polih upon-upon pecatu/laba carik/tegal pah-pahane manut putus Pararem (yan wenten pecatu)
3. Miwah sane siosan manut Pararem

Paos : 20

Prajuru Kagentosin

1. Seda / Mati
2. Santukan sampun panumayaipun manut Palet 2 (dua) paos : 16 (enam belas) angka 4. (empat)
3. Wit saking pinunas.

4. Kaonaran santukan nilar sesana
5. Ngonarang para juru wiadin ngentosin patutu sajroning paruman tur kaingkupin antuk i krama

Palet : 3

Paos : 21

Indik Kukul

1. Ring wewidangan Desa Karang Dalem wenten kukul 4 (petang) soroh luire :
 - ha. Kukul Pura (Pajenengan)
 - na. Kukul Desa
 - ca. Kukul Banjar
 - ra. Kukul Sekaa
2. Kukul wenang ngangge pengasrian yadnya miwah tetenger midabdabin kramannyane soang-soang manut dadudonan tetepakan paos 22
3. Kukul Pura (Pajenengan) ketepak ri kalaning Dewa Yadnya

Paos : 22

Tata Tatepakan

1. Kukul Pajenengan Desa, Banjar, Sekaa/Tempekan tabuh tetepakan kadi ring sor :

2. Kukul Pura/Pajenengan katepak ri kalaning wenten Dewa Yadnya pinaka pangasren Yadnya, tatepakannya nung-ning
3. Makarya miwah paum atulud ngambat
4. Rare Embas / medal, limang klentungan
5. Kalayu Sekar / padem tigang klentungan
6. Ngerangkat / kicalan daha bulus atulud metambah nung-ting
7. Kemalingan / kicalang bulus atulud
8. Katiben, keni baya bulus atulud katambah ngambat panjang suwennya sawetara limang menit
9. Palegandang bulus kalih tulud
10. Kababak, keamuk, sahananing baya pati, bulus tigang tulud.
Yan wenten tetepakan manut angka 10 (dasa) ring ajeng, patut suaran kukul punika katanggurian antuk kukul soang-soang banjar.
11. Ngembak limang klentungan ping lima
12. Kukul buung ping tiga, kukul banjar utawi Desa.

Paos : 23

Kukul Katepak

1. Kukul Desa utawi Banjar katepak sangkaning pituduh Prajuru Desa / Banjar
2. Sang nepak kukul sangkaning bhaya, patut digelis supeksa ring Prajuru
3. Krama Desa / Banjar patut nedunin suaran kukul makta peranti manut tetengeran saha lumaksana katuntun antuk Prajuru
4. Suaran Kukul tetengeran bhaya patut katedunin antuk krama sami lanang ipun

Paos : 24

Kukul katepak sangkaning tan gumanti, yan wenten jadma nepak kukul sangkaning manah iseng / tan gumanti manut paos 22, angka 2,3,4,5,6,7,8,9,10,11, miwah 12 keni jadma punika kadanda agung / alit manut Pararem

Palet : 4

Paos :25

Indik Parum

Parum ring Desa Adat Karang Dalem kemargiang kadi ring sor :

1. Paruman nadak santukan wenten babaos mabuat.

2. Paruman Agung, limang warsa apisan, mabuat maosang ngwah-nguwuhin awig-awig miwah sane siosan manut kawigunan
3. Paruman satunggil awarsa / atahun nyabran sasih kesanga manut Paos 9, angka 1 maosang munjuk lungsur krama Desane miwah sane siosan manut kawigunan ipun
4. Paruman ngasasih / ngabulan maosang druwen Desa miwah sane lian-lianan manut kawigunanipun

Paos : 26

Tata Titi Parum

1. Sang sane ngamiletin Paruman patut mabusana adat / mawastra lan nyelempot
2. Ri kalaning parum patut kawentenang cane saha runtutan ipun magenah ring ajeng sang rumaos, tur matur piuning ring perantining Bale Desa / Banjar, mekadi ring kalih ring kulkul

Paos : 27

Parum Kekawitin

1. Paruman presida lumaksana yen sampun ketedunin antuk i krama lintang ring atenga
2. Yan tan kerahin jantos ping tiga nyeceh paruman punika kelaksanayang tur sah.

Paos : 28

Kaputusan Sinanggeh Sah

Kaputusan Paruman sinanggeh sah yan sampun kasungkemin lintang ring atenga

Palet : 5

Paos : 29

Indik Druwen Desa

Druwen Desa Adat Karang Dalem minakadi :

1. Kahyangan Tiga mekadi : Pura Desa, Pura Puseh, miwah Pura Dalem
2. Pura Prajapati kalih palemahan nia
3. Bale Desa / Wantilan Desa
4. Tanah (Druwen Desa)
5. Karang Ayahan (PKD)
6. Barong rentet / Ratu Mas asiki, Rangda kalih
7. Penyucian / Biji Bhatara ri tatkala piodalan
8. Penyucian Pitra Yadnya / pancoran Bayam
9. Gong abarung
10. LPD Desa Adat Karang Dalem

Paos : 30

Paupon-Upon Laba

1. Paupon-upon laba Pura kalih druwen Desa kaenterang antuk Prajuru Desa
2. Pikolih lan upon-upon laba patut kaangge prebiya piodalan, wewangunan miwah sane siosan manut kawigunanipun
3. Nyabran sangkepan Désai Prajuru sane ngemong druwen Desa patut nyiarang munjuk lungsur druwen Desane.
4. Sakaluiring druwen Desa patut wenten ilikitanipun
5. Tan kalugra ngingsirang / ngicalang druwen Desa mekadi ngadol ngalah-alah, ngadeang; yan tan polih panugran saking i krama Desa.

Palet : 6

Sukerta Lan Pamitegep

Kaping : 1

Paos : 31

Karang Lan Tegal

1. Sang ngamong karang paumahan / panegalan patut ngawentenang mates marupa tembok wiadin pagehan.

2. Karang wiadin panegalan patut magelang kaluanan artinipun magelang kaler wiadin kangin sane ngardinin wates pawanengan patut sang madruwe karang / tegal ring tebenan / sane badelodan wiadin bedauhan
3. Yan wenten karang kebebeng, patut i Prajuru ngutsahayang wenten margi
4. Yan wenten karang kaputungan wenang i Prajuru Desa nibaking karang ika kapartama ring i krama sane pinih nampek saking keperuran, yan tan polih wenang katiba ring i krama paron, wiyadin i krama pangele (Paos : 5, (a), (b), (c), miwah (d).
5. Yan wenten karang jadma ngentasang wangken manusa ring pekarangan / tegal anak siosan wenang sang nruwenang sawa ika, nyarunin marayascita agung alit manut dresta, karang / tegal sane kaentasin. Pemargin caru / pemerascita ika kamargiang ring genahe sane kahanan wangke pinih riin, tur sane kaentasin patut antuk tirta kawenten
6. Yan wenten jadma ring pekarangan / tegal anak sios, wenang sang nruwenang sawa ika nyarunin / mrayascita genah punika agung alit manut dresta
7. Yan wenten jadma padem, tan wenten ngangkenin sawa ika wenang i Prajuru masadok ring Pemerintah tur ngelanturang nanem sawa ika ring setra

Paos : 32

Tan Wenang

1. Tan wenang ngalah-alah karang, tegal, margi, genah sane sinanggeh suci mekadi kahyangan, setra lan sapanunggilanipun
2. Tan wenang ngembahang toya wit toyan ujan, wit wawulungan, toyan pewaregan, lan sapanunggilanipun, kepekarangan / penegalan anak siosan
3. Ngentungan lulu, wangken wewalungan ring pekarangan / penegalan anak sios
4. Ngentungang tulang manusa ring pekarangan / tegal anak sios
5. Nunjel / nanem wangken manusa yadiastun marupa sawa ke Rsian, nunjel / nanem ring sawah / tegal, ring desa pekraman tan wenang yan tan polih kebebasan i krama Desa / Subak
6. Tan wenang makta tanah setra kepekarangan / tegal anak sios
7. Yan wenten manut angka : 1, 2, 3, 4, 5, 6 patut jadm inucap ngewaliang tanahe sane kaambil, ngebet sane kapendem, nyampatin sane kaembahin, ngingsiran sane marupa lulu / wangke wewalungan patut jadm punika kadanda agung alit manut Pararem, sane ngeninin angka 1 genahe sane sinanggeh suci, angka 5, 6 sajawaning kadanda kadi ring ajeng patut kawehing antuk pemerayascita / caru agung alit manut dresta miwah sastra agama

Kaping : 2

Paos : 33

Pepayonan

1. Ngawit nanem tenem tuwuh patut 1 (siki) meter, ngajeroang saking wates
2. Yan wenten taru mentik sajroning wates, yang wetu wicara patut taru punika ka ebah kebagi tiga mekadi asiki katiba ka Desa, kakalih ring sang sane nruwenang wates.
3. Yan wenten entik-entikan mekadi tiing, pisang lan sapanunggilanipun mentik ngelintang wates wenang entikan punika kataban kadruwenang olih sang madrue karang sane kaentikang tur mangda katotor bongkolipun
4. Yan wenten wit taru ngungkulin kapisaga, sang kaungkulin keberatan patut i Prajuru Desa, mekadi Klian Desa nibakang kadudonan kadi ring sor :
 - ha. Sang nruwenang kayu notor / nyepat gantungin kaicen tempo selaminya awuku
 - na. Yan jantos lintang ring asengker, durung kalaksanayang yang wenang i Prajuru nibakang ring sang kataonin notor wiadin ngebah kayu punika
 - ca. Saang wiadin kayu punika patut katiba ring sang notor
5. Yan wenten wit kayu-kayuan mayonin kapisaga, i Prajuru patut kadi ring sor :

- ha. Natasang genahipun
- na. Yan sampun wiakti kapakayun mayanin mekadi witipun banget sendeh, witipun sampun ganjih tede tetani bungkilnya, umahin semut, ipun sampun padem lan sapanunggilanipun
- ca. i Prajuru patut niwakang sang nruwenang wit taru punika ngebah masengker selaminya awuku.
- ra. Yan lintang kadi sengker durung kalaksanayang wenang i Prajuru nibakang ring sang keberatan ngebah kayu punika
6. Yan wenten taru mayanin sadurung lintang sengker, pungkut / empak, sang nruwenang luput saking kaiwangan.
7. Yan wenten taru wit durung wenten penyeken ring sang madruwe kayu, raris kayu punika bah wiadin empak melarapan ngenenin wewangunan anak lian, sang madruwe kayu punika luput saking kaiwangan.
8. Yan wenten jadmā ngebah / notor taru durung wenten pasubayannya ring sang sane nyanding, raris mayanin wewangunane patut sang notor / ngebah kayu punika kadanda agung / alit manut Pararem, tur marayascita / nyarunin genah sane kebyanin manut dresta.

Kaping : 3

Paos : 34

Wewangunan

1. Sahananing wewangunan mangda kautsahayang manutin kecap astha bhumi miwah asta kosala-kosali.
2. Yan wenten ngawitin ngewangun raris wewangunan punika ngalintangin wiadin ngungkulin kapisaga mekadi cap-capan lan sapanunggilanipun, sang sane keberatan patut malungguhang ring sang madruwe wewangunan punika yan prade sang madruwe wangunan punika memekung, patut i Prajuru Desa mekadi kelian Desa nyepat gantungin, tur mangda sang madruwe wewangunan punika nugel / mongkar saha tan polih prebiya / kepocolan.

Kaping : 4

Paos : 35

Wewalungan

1. Sahananing warga Desa sane miara wewalungan / ingon-ingon, patut siaga nitenin, negul wiadin ngandangin mangda tan ngarusak kapisaga, bilih-bilih ngeranjing ke Pura / Merajan
2. Yening wenten wewalungan leb / melumbar / ngerusak wiadin polih neda pemulaan

- wenang sang nruwenang wewalungan punika kadanda agung / alit manut Pararem, sajawaning kadanda kadi ring ajeng, taler kasisipan mangargan abiane sane katede / karusak agung / alit ipun kaitung ring i Prajuru Desa.
3. Yening wenten wewalungan ngeranjing ke genahe suci, mekadi Pura, Merajan, lan sapanunggilanipun yadiastun ketut wuri, sang nruwenang wewalungan punika patut kadanda merayascita / nyarunin genahe sane keranjingin agung / alit manut Pararem miwah sastra agama.
 4. Yening wenten wewalungan / ingon-ingon ketaban metu padem tan sangkaning gumanti, tur wenten saksi sang naban punika patut luput kaiwangan.
 5. Yen ketut wuri sang nruwenang luput ring kaiwangan.

Paos : 36

Tata Cara Naban

1. Sang naban patut wenten sakirang-kirang ipun 1 (adiri) tur wenang wewalungan / ingon-ingon punika kategul, kadedehang kasawenin antuk tetanduranne sane karusak saha premangkin wewalungan punika kabakta ring i Prajuru Desa.
2. Yening wenten wewalungan ingon-ingon ketaban jantos a rahani (24 jam) nenten wenten sane ngangkenin patut wewalungan / ingon-ingon punika katur ring Pemerintah.
3. Selaminya wewalungan punika ketaban / magenah ring i Prajuru Desa, patut wewalungan

/ ingon-ingon punika kapiara / kawehin teda, tur kaitungan agung / alit pangargan tetedanipun antuk i Prajuru.

4. Sang nruwenang wewalungan / ingon-ingon kataban sajawaning kadanda manut paos : 35 angka 2 patut malih ke wehin dedendan pangargan dedendan manut angka 3

Paos : 37

Paolih-Olihan Natam

1. Dedendan tatabanan kebagi tiga sekadi ring sor :
 - ha. Asiki katiba ring i Prajuru.
 - na. Asiki katiba ring sang nruwenang abian.
 - ca. Asiki katiba ring Banjar / Desa
2. Sajabaning paolih-olihan ring ajeng angka : 1 sang nruwenang patut polih malih pangargan tetanduranne sane katede wiadin karusak.

Kaping : 5

Paos : 38

Bhaya

1. Bebacakan panca bhaya luire :

ha. Geni bhaya (puun).

- na. Artha bhaya (kemalingan, kabaak lan sapanunggilanipun)
 - ca. Jiwa bhaya (keamuk lan sapanunggilanipun)
 - ra. Toya bhaya (katiban belabar agung, kaanyudang lan sapanunggilanipun)
 - ka. Stri bhaya (keplegandang).
2. Asing-asing krama desa kehanan wiadin manggihin sang kehanan bhaya kadi ring ajeng (ha, na, ca, ra, miwah ka) patut nunas kanti nyuarayang kulkul manut palet 3 tatepakanipun manut paos : 22

Kaping : 6

Paos 39

Maling Lan Rerusakan

1. Yan wenten jadmā memaling wiadin ngerusak, sang melaksana miwah genahe sane kelaksanain sajroning Banjar / Desa Karang Dalem. Yan ipun memaling / ngerusak wenang i Prajuru mekadi Kerta Desa nibenin danda manut Pararem Desa.
2. Yening barange magenah, genahe minanggeh suci mekadi ring Pura / Pemerajan lan sapanunggilanipun sawawaning kadanda kadi ring ajeng paos : 39 angka 1, patut sang memaling / ngerusak punika keni pangaskara marupa nyarunin / merayascita, agung / alit manut dresta miwah sastra agama.

3. Yan wicara ring ajeng (angka 1) kaputus antuk pemerintah, mekadi pengadilan negeri lan sapanunggilanipun, jadmā memaling / ngerusak punika patut luput keni dedendan manut Pararem Desa.

Paos : 40

Pah-pahan Dedendan / Panikelan

Dedendan / Panikelan dados druwen Desa.

SARGA : IV

SUKERTA TATA AGAMA

Palet : 1

Paos : 41

Indik Dewa Yadnya

1. Kahyangan / Pelinggih-pelinggih sane kasungkemin antuk i krama desa adat Karang

Dalem luireipun :

ha. Pura Desa.

na. Pura Dalem Kahyangan.

- ca. Pura Pusch.
- ra. Pura Melanting.
- ka. Pura Prajapati miwah Palemahan magenah ring setra Karang Dalem.
2. Rahina piodalan ring Desa Pusch, Anggara Kasih Perangbakat.
 3. Rahina piodalan ring Prajapati, Redite Kliwon Watugunung.
 4. Piodalan ring Melanting, Saniscara Kliwon Wariga.
 5. Piodalan ring Pura Dalem, Buda Kliwon Wuku Sinta.

Paos : 42

Rerahinan Agung

Rerahinan sane patut i Krama Desa ngaturang puja wali : Soma Ribek, Pagerwesi, Tumpek-Landep, Sugihan Jawa-Sugihan Bali, Galungan-Kuningan, Saraswati, Tumpek Kandang, Tumpek Atag, Purnamaning Sasih Kapitu miwah sapanunggilanipun.

Paos : 43

Mamenjor

1. Ring rahina Buda Kliwon Dungulan (Galungan) sajaba kacuntakan, patut mamenjor ring lawangnya soang-soang pepeka saha upakaranipun, nancebang patut ring rahina Anggara Wuku Dungulan.
2. Yan wenten jadma nenten nganutin kadi ring ajeng angka 1 (siki) wenang jadma punika kadanda agung / alit manut Pararem.

Paos : 44

Rahina Kala Rahu Miwah Butha Mangsa

Tan Wenang Tawur Kasanga

1. Sajawaning wenten paitungan sios.

Yan sasih Kapitu Wuku Dungulan nuju Tilem, tan wenang ngegalung seantukan rahina punika kawastanin Kalarahu.

2. Yening wuku Dungulan Sasih Kasanga, rah 9 tenggek 9, taler tan wenang ngegalung seantukan rahina punika kawastanin Butha Mangsa.

3. Yening Tilem Sasih Kasanga, kaejikan Wuku Dungulan sebanen Buda Kliwon Pahang, tan wenang ngaturang tawur kasanga, melis patut ring tileming kadasa nutug.

Paos : 45

Pemangku

1. Ring soang-soang Pura patut kawentenan Pemangku.

2. Ngadegang pemangku manut kadudonan :

ha. Nunas pamuwus widhi utawi nyanjan.

na. Ngawilangan saking turunan utawi waris.

ca. Pepilihan i Krama Desa.

3. Tan wenang anggen pemangku luire :

ha. Cedangga saking wawu medal, makadi peceng, perot, cungh, sengkok lan sapanunggilanipun.

na. Kageringan makadi : sakit ila, ayan, buduh, besih lan sapanunggilanipun.

4. Prebiya ngadegang pemangku makadi pewintenan asapunika taler rikalaning padem / seda kawentangan dana punia manut Pararem.

5. Yening wenten kalayu sekar atau padem ring jero / umah i Pemangku wenang pemangku punika nyepuh, nanging prebiyanipun ketanggung antuk i krama desa.

Paos : 46

Dharmaning Pemangku

1. Dharmaning pemangku kadi ring sor :

ha. Nitening nuntun kasucian ring Kahyangan.

na. Ngenterang upakara ring Kahyangan kali hi krama desa soang-soang kawenang seageng-agengipun mapregemal.

2. Yan wenten sang mepenauran ring ajeng mangda pemangku punika masadok ring i Prajuru Desa, wus punika kaantebang.

3. Panauran yan marupa barang, jinah, sarin canang punika sami druwen desa.

Paos : 47

Pikolih Utawi Petias Pemangku

1. I Pemangku polih luput ayah, pepeson miwah petias sios-siosan manut Pararem.
2. Sarin canang panawurin mapahtiga, kekalih ke desa asiki pemangku.
3. Pemangku nyabran awarsa polih olih-olihan merupa destar, kampuh lan wastra.

Paos : 48

Pemangku Kagentosin

Pemangku kagentosin luireipun :

1. Kalayuan sekar / lampus.
2. Pinunas ngeraga, manawi sakit-sakitan, lan sapanunggilanipun.
3. Kawusan manut kaputusang, santukan nilar sesana, mekadi memaling, memitra lan sapanunggilanipun.

Paos : 49

Cuntaka Utawi Sebel

Cuntaka utawi sebel wenten kalih paos luire :

1. Cuntaka saking padewekan mekadi :
ha. Ngeraja sewala.

- na. Nganten durung mebiya kala.
 - ca. Rare durung 42 dina / macolongan.
 - ra. Anaking strilANJI, durung maprayascita.
2. Cuntaka saking kelayu sekar/kematian.

Paos : 50

Suwenya Ngambil Sebel

1. Cuntaka saking padewekan pengambilipun sekadi ring sor :
- ha. Sebel saking raja sewala suwenipun tigang dina.
 - na. Sebel saking madruwe putra suwenipun 42 dina.
 - ca. Sebel saking nganten suwenipun selamina sadurung mabiya kawonan.
 - ra. Rare wawu mijil suwenipun 42 dina.
 - ka. Anaking strilANJI suwenipun selamina durung maprayascita.
2. Cuntaka saking kelayu sekar/kematian sekadi ring sor :
- ha. Yan saking semeton Banjar pengambilnya ngawit saking pasuaran kulkul jantos maprayascita pidabdab pengambilnya sekadi ring sor :
 - 1. Yan pamupute makingsan ring pertiwi wiadin ring geni pengambil sebele sadurung pengutangan ngawit saking pasuaran kulkul (kadi ring ajeng) miwah sesampun pengutangan malih tigang dina.

2. Yan meabenang : Nista, Madia miwah Utama pengambil sebele ngawitin masuara kulkul jantos pengutangan raris maprayascita (sebele ical)
- na. Yan saking Purusa suwenipun sekirang-kirangipun 12 rahina ngawit saking pangutangan, yan nedunin maweweh malih selamina nedunin.
- ca. Yan saking wadon suwenipun sakirang-kirangipun 7 rahina ngawit saking pengutangan, yang nedunin maweweh malih selamina nedunin.
- ra. Yan ngarepin kantung sajroning karang paumahan suwenipun 42 rahina saking pengutangan, maweweh malih selamina wangkene kantung jumahipun.

Paos : 51

Tan Kenang Cuntaka Wetu Saking

Kelayu Sekar Utawi Kematian

Sane tan keneng cuntaka minakadi :

- ha. Sang sampun meraga putus mekadi Ida Sang Pandita, miwah pemangku.
- na. Ri kalaning ngaturan dewa Yadnya sampun mapangalang sasih.
- ca. Bebanten / upakara sampun munggah.
- ra. Sameton Banjar tan keneng sebel sadurung kulkul masuara manut paos : 22 angka 5

Paos : 52

Sukerthaning Kahyangan

Tan kalugra ngeranjing sajroning Pura mekadi :

1. Sang kahaning cuntaka paos : 49, 50, 74.
2. Makta barang sane sinanggeh letch.
3. Sato ageng.
4. Wong dura Desa/sios Desa, yang tan polih panugrahan ring Prajuru Desa.
5. Yan wenten jadmata katapak / kerahuan patut kapintonin mekadi, kelambesin toya, lan sapanunggilanipun. Yan ipun belus, puwun lan sapanunggilanipun, tan wenang jadmata punika kagugonin, wenang denda manut paos : 53 angka 2

Paos : 53

Mungga Ring Bebataran Utawi Pelinggih

1. Sajawaning pemangku sane ngemong, jadmata tios tan wenang mungga ring bebataran pelinggih yan tan polih panugrahan ring Prajuru Desa.
2. Yan wenten jadmata murug kadi ring ajeng paos : 52, 53, keni jadmata punika kadanda utawi maprayascita, agung/alit manut Pararem.

Kahyangan Kehanan Durmanggala

Kahyangan Kehanan Durmanggala :

- ha. Kesander kilap, katibeng angin puyuh tur pungkat.
- na. Katunuan utawi puun.
- ca. Karubuhan taru ageng.
- ra. Katiben lulut.
- ka. Keranjingan Pandung.
- da. Keranjingan jadma edan utawi buduh
- ta. Keranjingan buron agung
- sa. Kasiratan rah manusa.
- wa. Jadma masanggama sajroning pura
- la. Jadma sampun maketus, mabacin / meju mewarih
- ma. Jadma masenggama lanang sami lanang, istri sami istri (baduwasa).
- ga. Kahyangan umahin tabuan kulid lan sapanunggilanipun.
- ba. Sakit beseh.

Paos : 55

Kahyangan Kecemerin

Kahyangan kabaos kecemerin makadi :

ha. Jadma masalin wastra ring sajroning Pura (sajroning palinggih)

na. Jadma ngetelan toyan susu, ring sajroning pura.

ca. Jadma merabat / memisuh ring sajroning Pura

ra. Jadma sirep lanang sareng wadon dados asiki sampun daha truna ring sajroning pura.

Yan wenten Kahyangan kadi ring ajeng, paos : 54, 55, yan saking pekardin manusa, wenang jadma punika kadanda merayascita manut lenging sastra agama, agung/alit manut Pararem. Yan kadurmalan/kacemerin ring ajeng tan pekardin manusa, gumanti saking alam patut upakara ring ajeng katanggung antuk sang sane nyungsung.

Palet : 2

Paos : 56

Indik Rsi Yadnya

1. Sang pacang mapudgala utawi madwijati sajawaning nunas panugran sang ngawe wenang (Parisadha utawi Kantor Agama) taler patut masadok ring bendesa / Klian Adat.
2. Prajuru inucap patut nitenin / nureksa manut kecaping agama, mekadi cedangga,

kalih pelaksanannyane sekadi *sad atatayi, Asta Dusta* lan sapanunggilanipun, saha nyaksinin upakaranipun.

3. Sepatute i Prajuru patut digelis ngentosin parab sang diniksan ring sahananing ilikita antuk biseka kawikon manut panugrahan nabanya, saha kasiarang ring Banjar / Desanya.

Palet : 3

Paos : 57

Indik Pitra Yadnya

Pemargin Pitra Yadnya madudonan mekadi ring sor :

1. Makingsan ring ibu pertiwi utawi ring geni, selamine nutupang prabiya. Maka cihna patut ngaturang pejati ring sang hyang Prajapati, upakarannya manut lenging sastra agama.
2. Atiwa-tiwa wiadin ngaben, sane wenang abenan jadm padem patut pendem sesampun meketus untu.
3. Ngaben ngelungah, sane wenang abenang ngelungah jadm padem mayusa tigang sasih, jantos maketus.
4. Jadm alit wawu medal jantos mayusa tigang sasih padem patut pendem tan wenang ngelungah manut dresta.

5. Jadma sane keabenang ngelungah wiadin padem sadurung mayusa tigang sasih, tan patut kalanturang antuk nyekah utawi ngatma wedana.

Paos : 58

Swadharmaning Sang Kehanan Kematian

1. Sang kaduhkitan kehanan kematian patut nyadokan i Prajuru Banjar / Desa, saha nguningayang dinane kepatutang miwah pemargine punapi mependem wiadin keabenang.
2. Swadharmaning Banjar :
 - I Prajuru patut nepak kukul manut paos 22 angka 5 maka cihna warga banjare wenten seda.
3. Penyanggran banjare selanturnyane kadi ring sor :
 - ha. Soang-soang i krama nedunin, tur ngamedalang patus soang-soang, agung/alit manut Pararem. Asapunika taler prade lantur kaabenang.
 - na. Krama banjar lanang-istri makarya manut dresta miwah ngusung sawa punika ngarombo ri kalaning pangutangan.
 - ca. Busana i krama, sane lanang mawastra tur nyalempot, asapunika taler sane istri mawastra tur maanteng.
 - ra. Pemargin sawane miwah upakara mangda nabdab antar, tan kalugra magujegang/magarap.

Paos : 59

Pemargin Mendem Utawi Ngeseng

Nganutin dewasa, miwah tan kawenangan kadi ring sor :

1. Semut sidulur, kala gotongan, purwani, tilem, purnama, nyandung
2. Makirim wangke / ngutang tiga apisan ring setrane asiki.
3. Rahina jagat rikalaning piodalan Ida Bhatara kantun ngadeg.

Paos : 60

Ngelangkar Watang

1. Yan wenten makutang ngamarginin margi asiki, dina tunggal, tan wenang sane unkurang ngelintangin sane dumunan patut sane dumunan / nampekin setra memargi dumunan.
2. Yen wenten jadm murub kadi ring ajeng, paos 60 angka 1, patut jadm punika kadanda agung / alit manut Pararem miwah sastra agama.

Paos : 61

Sawa Tan Wenang Inepang

Miwah Tan Keni Larangan Paos 60 Angka 1

1. Anak alit durung maketus.

2. Sue ngadut rare / beling tan wenang nanem ngurugin, miwah ngeseng sane durung bobotanne medal, patut basah.
3. Sang keni pinungkan ila, miwah pinungkan ngelalah mekadi kolera lan sapanunggilanipun.
4. Ri kalaning jagat keni grubug.

Paos : 62

Penanjung Batu

Yan wenten jadmia sios sane meagama Hindu metanem / ngeseng ring setra Desa Adat Karang Dalem patut keni penanjung batu, agung/alit manut Pararem.

Paos : 63

Tata Kertaning Ring Setra

1. Ri kala ngendang, tan wenang makta tanah setra ke desa pekraman.
2. Tan wenang mekarya undung-undung mekadi (kuburan permanen)
3. Tan wenang nginepang bang-bang.
4. Tan wenang nunjel / nanem tiga sapisan (arahina) ring setra asiki. Yan wenten murub kadi ring ajeng keni denda agung/alit manut pararem miwah linging sastra agama.

Paos : 64

Ngulah Pati Utawi Salah Pati

Ngulah pati utawi salah pati, kesuksara Trimanggalaning yadnya mekadi sang nruwenang karya, i Prajuru Desa/krama, pamekas sang muputang sane keanggehang.

Paos : 65

Pengabenan

Pengabenan wiadin atiwa-tiwa, wenten kalih paos bebacakanipun mekadi :

1. Sawa Prateka.
2. Sawa Wedanan

Keterangan :

ha. Sawa Prateka tegesipun : mreteka sawa/taulan, sane wenten ring paumahan.

na. Sawa Wedana tegesipun : sawa keresian sawa ngangge awak-awak mekadi awak-awakan cendana, majegau, awak-awakan payuk, mekadi swasta prenawa lan sapanunggilanipun.

Paos : 66

Urutan Pemargi Pengabenan

1. Pemargin pengabenan urutanipun minakadi :

ha. Ngaben Alit.

- na. Ngaben Madya.
- ca. Ngaben Agung.
2. Ngaben alit pemargine patut ring setrane puput ngangge tirtha kewanten tan nuur sang sulinggih. Upakaranipun nganutin kecaping jana purana tatwa suenipun masengker hahuku 1 (siki) wuku saking dinane lampus.
 3. Ngaben madya suenipun mesengker tigang wuku saking dinane lampus.
 4. Ngaben agung wenang nyekeh layon suenipun 6 (enam) sasih nganca dewasa lan sapanunggilanipun.

Paos : 67

Dharmaning Krama Banjar

Dharmaning krama banjar ri kalaning ngamong pengabenan manut paos : 66 angka 1,2,3,4 patut kadabdabang sajroning awig-awig miwah pararem banjarnyane soang-soang.

Palet : 4

Paos : 68

Indik Manusa Yadnya

1. Manusa yadnya inggih punika upacara wiadin upakara dharmaning manusa ngawit saking patemoning kama petak kalawan kama bang sajroning garba utawi ring waduk i biyang ngantus lampus ri wekas.

2. Upacara lan upakara kadi ring ajeng madudonan kadi ring sor :
- ha. Magedong-gedongan duk pengerempinian i biyang, bobotan mayusa tigang sasih jantos petang sasih.
 - na. Duk sang kama reka wawu embas.
 - ca. Kepus udel.
 - ra. Ngelepas aon ri sampun mayusa 12 rahina.
 - ka. Akambuhan yusa 42 dina (awulan pitung dina)
 - da. Tigang sasih
 - ta. Awetuang ri sampun rarene mayusa enem sasih
 - sa. Ngenpugin ri kala sampun tumbuh gigi.
 - wa. Munggah daha utawi truna macihna yan lanang sampun ngembakin yan istri sampun ngeraja sewala.
 - la. Metatah utawi Mepandes
 - ma. Mawiwaha utawi madengen-dengenan ring Grehastana.
 - ga. Mawinten utawi maekajati lan sapanunggilanipun.
3. Upacara lan upakara inucap nista madya utama manut kawentenan sang manggalaning yadnya miwah sastra agama lan dresta.

Palet : 5

Paos : 69

Indik Bhuta Yadnya

1. Indik bhuta yadnya punika upacara lan upakara mayadnya ring sang bhuta kala.
2. Bhuta yadnya punika ketah kabaos mecaru.
3. Pecaruan inucap : Nista, Madya, miwah Utama manut kawigunan kadi ring sor :
 - ha. Mesaiban (ngejot) nyabran wusan ngerateng
 - na. Eka Sata.
 - ca. Panca Sata.
 - ra. Manca Kelod.
 - ka. Manca Canak.
 - da. Rsi Gana.
 - ta. Tawur Kasanga lan sapanunggilanipun.

Paos : 70

Tawur Kasanga

1. Tawur kasanga punika wenten kaitanipun ring penyepian, dudonanipun kadi ring sor :
 - ha. yan tan wenten paitungan sios tigang rahina sadurung penyepian patut melis

(melasti). Pretima utawi Prelingga ka suciang ka segara wiadin ring genah pabejian wus punika Ida Bhatara nyejer ring Bale Agung.

- na. Benjangne Ida Bhatara kantun nyejer ring Bale Agung.
- ca. Ring Tileming Sasih Kasanga kawentenang pecaruan manut dresta agama.
- ra. Ring pinanggal apisan sasih kadasa kawentenang panyepian. Daging Brata Panyepian minakadi :

1. Amati Geni, tan wenang maapi-api sawawaning anak madrue pianak alit (matepetin rare), durung tigang sasih, ring genah inucap.

- Sang matepetin anak sungkan ring genahe sang sungkan

- Sang madruwe layon ring genahe inucap.

2. Amati Karya, tan wenang menyambut karya.

3. Amati Lelungan tan wenang malelungan sawawaning pecalang (Prajuru tur mangda maceciren wiadin ilikita)

4. Amati Lelangan, tan wenten kengin ngawentenang tontonan (unen-unen) miwah tetabuhan asapunika taler jajudian).

2. Prade wenten murub keni kadanda agung/alit manut Pararem.

3. Ring wus rahina nyepi (benjangne) kawentenang ngembak geni.

SARGA : V
SUKERTA TATA PAWONGAN

Palet : 1

Paos : 71

Pawiwahan

1. Pawiwahan inggih punika patemoning purusa lawan predana sekalanipun panunggilan kayun suka cita saha widhi widhana manut sastra agama.
2. Pemargin wiadin pelaksanaan pawiwahan kadi ring sor :
 - ha. Pepadikan kemanggala antuk pakrunan riyin.
 - na. Ngerorod utawi ngerangkat pengambile riyinan, wawu kaetut antuk pakrunan.
 - ca. Nyeburin utawi nyentana ri sampune kaegepin upacara lan upakara.
3. Pidabdab sang pacang merabian patut :
 - ha. Nganutin yusa mekadi sampun daha utawi truna
 - na. Sangkaning pada rena.
 - ca. Prade pengambile siosan agama kemanggala antuk banten penyambutan prayascita.
4. Pemargin perabian inucap mangda nganutin UU. No. 01/1974. PP. No : 9/1975.
Pasuaran Gubernur Propinsi Bali.

Paos : 72

Pengambilan Miwah Sang Agama Tan Patut

1. Pengambilan lan pasenggaman tan kapatutang ring Desa Karang Dalem.
 - ha. Ngambil saking pepaksan.
 - na. Gamyarabi utawi masenggama sareng sameton sodet, sameton kwalon ring aji utawi biyang, pekak utawi dadong, rerama ring nyama sane luh utawi muani waris kenceng (purusa)
 - ca. Gamyar Gemana masenggama sareng sato.
 - ra. Baduwasa masenggama sami muani, luh sami luh.
2. Yan wenten jadmamelaksana kadi ring ajeng paos : 72 angka (ha, na, ca, miwah ra) jadmapunika wenang kepalasang tur kadanda merayascita manut sastra agama agung utawi alit manut pararem.

Paos : 73

Anaking Stri Lanji Utawi Panak Bebinjat

1. Yan wenten jadmamobot utawi beling, tan wenten sane ngangkenin bobot punika asapunika taler, bobot utawi beling tan pewidi widana utawi pawiwahan raris medal rare punika, kawastanin anaking stri lanji utawi panak bebinjat.
2. Yan wenten kadi ring ajeng kautsahayang antuk keluarganya kadi ring sor :

- ha. Mangda wenten memeras wiadin nyakapin bobot punika ngangge pianak, rare punika tur kaprayascita rare miwah biyangipun.
 - na. Prade tan wenten sane meras kalih nyakapin ngangge pianak wenang pianak miwah biyangnyane maprayascita agung utawi alit manut sastra agama.
 - ca. Ri kalaning, memeras miwah merayascita mangda kesaksinin antuk Prajuru Desa.
3. Yan wenten jadma nganutin kadi paos : 73 angka 1 miwah 2, rare miwah biyangnyane tan wenang ngeranjing ke Pura mekadi Panyungsungan Jagat Desa Karang Dalem, yan murug jadma punika wenang merayascita Kahyangan Tiga agung utawi alit manut dresta miwah sastra agama.

Paos : 74

Manak Buncing

Yan wenten jadma ngamedalang pianak kembar lanang istri pemargine kadi ring sor :

- ha. Yan maari-ari asikiipun maawak tunggal.
- na. Yan sane istri maari-ariipun mawak istri,1 asapunika taler yan sane lanang maari-ariipun maawak lanang tan ngaletihin jagat.
- ca. Yan pada maari-ari nanging metu maeletan sawiji tunggal juga ngaranya.
- ra. Yan metu sadina, sama mawa ari-ari kang istri rumahun, lanang pungkuran, buncing ngaran (ngeletihin bumi) patut kawentenang upakara Desa, manut sastra agama, katanggung antuk i krama desa, sang nruwenang pianak patut ngupakara ring paumahanipun manut sastra agama.

- ka. Yan metu sadina sama mawa ari-ari kang lanang metu rumuhun kang istri pungkuran, silih asih ngaran, tan ngeletehin jagat kabaos becik ngawe buana ring leluhur. Jadma inucap patut sesampune petang dasa dua dina (42 hari) kaupakara antuk sesayut tulus ayu, sesayut dirghayusa, sesayut pageh tuwuh miwah pemerayascita.
- da. Yan langkungan ring kekalih mangda kaanutang ring sastra agama.

Paos : 75

Pawiwahan Manggeh Sah

1. Pawiwahan kaanggeh sah maka cihna Tri Saksi inggih punika :
 - ha. Dewa saksi, widhi wedhana katur ring Sang Hyang Widhi.
 - na. Bhuta saksi, Widhi wedhana ring Sang Bhuta Kala (makalan).
 - ca. Manusa saksi, kesaksinin ring keluarga, pamekas ring Prajuru tur kaunggahang sajroning ilakitha tur katumusang ring Sang ngawe wenang.
2. Indike ring ajeng patut nawur prebiya agung utawi alit manut Pararem.
3. Upakaraipun manut sastra agama kalih Desa Kala Patra agung utawi alit manut kawentenan sang manggalaning yadnya.

Paos : 76

Pawiwahan Silih Tunggil Tan Rauh

Ri kalaning kemargiang dina pawiwahan tan rauh silih tunggil scantukan wenten karya mebat pisan, wenten ring dura negara, ring payudan, miwah sane siosan. Mungging pawiwahan punika wenang kelanturang utawi kacerahang nanging mangda wenten ilikitha utawi ceciren saking sane nenten rauh kalaning natab widhiwidhana wenang sane nenten rauh kagentosin antuk pengangge lanang, asapunika taler yan sane istri tan rauh patut kagentosin antuk pengangge istri.

Paos : 77

Asuamundung Lan Anglangkahi Karang Ulu

Asuamundung lan anglangkahi karang ulu tan kabaos iriki, nanging tan ngiringin yan prade manahipun pacang ngemargiang **Upacara Mepati Wangi** ring bale agung.

Paos : 78

Tata Cara Perabian Nganutin Papinangan

Yan papinangan pangambile pamargine patut dadudonannya manut kadi ring sor :

- ha. Pinih sang daha patut kearsayang utawi kepadik antuk reraman utawi keluarga sang truna.
- na. Ring sapunapine patut kabaos, sampun sami adung pamekas sang daha truna, patut sang daha katurin paweweh marupa ali-ali miwah sane siosan manut dresta

makacihna sang daha punika sampun magegelan, mungging bebaktan ri kala memadik makacihna makaruna canang base lunggahan, jambe utawi buah merancian miwah sane lianan manut dresta.

- ca. Ring dina pengambile irika patut sang daha mapamit ring Pemrajan utawi Sanggah miwah ring aji utawi biyangnyane, sang nruwenang daha masadok ring i Prajuru Desa pinaka saksi, tur nyuarayang kentongan manut paos : 22 angka 7, makacihna sang daha sampun puput pengaskaran pawiwahan miwah sampun matilar saking paumahannya, indik makta jauman wenang ring dina pengambile miwah wenang sekama-kama ri sampune pengambilan.

Paos : 79

Tata Cara Marabian

1. Yan ngelayat utawi ngarorod pengambile sang daha kaengkebang utawi reramannyane kemalingin sang daha kagenahan siosan desa, tur raris kaetutang antuk pemargi kadi ring sor :
 - ha. Lumaku.
 - na. Makruna.
 - ca. Ngeluku.
2. Pamargin lumaku sakirang-kirangipun tigang rahina keluarga sang truna ngerauhin purin sang daha, gumanti lumaku utawi ngangkenin ngambil sang daha sajawaning lumaku kadi ring ajeng, patut digelis sakirang-kirangipun 24 jam utawi arahina, masadok ring i Prajuru ring genah sang daha kaengkebang.

3. Bebaktan sang lumaku patut macihna antuk suar utawi lampu.
4. Pamargin sang miwah ngeluku dinane kepastiang ring nruwenang daha.
5. Sang nruwenang daha yan tan cumpu wenang tan ngawentenang panureksa tur kasaksinin ring i Prajuru Desa wiadin Dinas.
6. Yan macihna pangambile pepaksan utawi tan gumanti, sami lila, wenang kepalasang.
7. Ring dina pawiwahan pemargine patch kadi ring paos : 78, aksara (ca).

Paos : 80

Tata Caraning Perabian Nyeburin

Yan pangambile nyeburin pemargine kadi ring sor :

- ha. Ri kalaning ngeluku patut bebaosane adung saking reraman sang daha miwah reraman sang truna.
- na. Genah muput pawiwahan ring genah utawi jero sang daha tur kasaksinin ring i Prajuru miwah kasiarang ring i krama banjar saha suaran kulkul, manut paos : 22 angka 7, miwah kaunggahang ring ilikita.
- ca. Makta jauman ring genah utawi umah sang truna kasaksinin ring i Prajuru Desa.

Palet : 2

Paos : 81

Indik Nyapian

1. Pawiwahan prasidha kauwusang majalarang palas.
2. Wus mapakurenan ri antukan silih tunggil sampun kabaos balu.
3. Palas marabian wenten sangkaning sami lila, utami mawiwit wicara kabaos nyapian.
4. Sang ayat palas marabian patut atur supeksa ring sang rumaos utawi pengadilan negeri, wastu tuntas apadang lantur i Prajuru nyiarang ring banjar utawi desa saha suaran kulkul manut paos : 22 angka 7.

Paos : 82

Tata Caraning Palas Marabian

1. Sulus palas marabian prade silih tunggil anasar laku matilar tan pesadok jantos atahun, wak purusya, asta cepala, tan prasida adung malih.
2. Yening wicarane katumusang antuk lanange, patut macihna sang istri :
 - ha. Paradara utami logika sanggraha.
 - na. Amandel sanggama maambul-ambul-jantos enem sasih.

3. Yening wicara katumusang antuk wadon macihna :

ha. Dratikrama.

na. Wandu.

ca. Tan nyanggemin saha tan nguwehin pangupajiwa suene ngantos enem sasih.

4. Prade wicarane macihna kadi ring ajeng, saha kakukuhang antuk saksi, bukti, ilikita perabiane kengin kapalasang, yen sampun makekalih sami cumpu.

5. Yan wenten palas marabian majalarang sami lila saking wicara kaputusang antuk sang rumaos wenang sang palas punika masam-sam beras kuning gelung jinah bolong ring bale agung, kasaksinin antuk i Prajuru Desa, prasidaipun mawali dados daha utawi truna.

Paos : 83

Kebo Nguluhin Kandang

1. Yan wenten jatma palas marabian saha sampun ilikita mewali ring umahipun, keni jatma punika kadanda (nguwaliang suaran kulkul) agung /alit manut pararem.
2. Yan wenten jatma meambul-ambul mawiwit saking biota sajeroning marabian, mewali keumahipun jantos suwenya enem sasih keni sang nampi kadanda agung/alit manut pararem nanging yan sampun wenten ilikitaipun wantah wicaranne sampun ring tangan pemerintah (sang rumaos) sang nampi dunungan tan keni pamidanda

- ra. Kawenangan mawiwahan malih prade sampun polih kabebasan saking pianak daha utawi truna utawi keluarga kepurusan.

Paos : 86

Balu Tan Pageh

1. Balu kabaos tan pageh luire :
 - ha. Sangkaning melaksana dratikrama utawi paradara.
 - na. Matilar saking paumahan tan pasadok jantos enem sasih.
 - ca. Ngadol, ngadeang miwah makidihang druen utawi waris tan polih kabebasan saking waris pinih tampek.
2. Yan macihna kadi ring ajeng balu inucap tan polih upon-upon waris miwah wenang katundung saking genah.

Paos : 87

Balu Sentana Rajeg

1. Sane kabaos balu sentana rajeg luire :
 - ha. Mawiwit saking pakurenannya kaceburin kangnipun ngeraga muani.
 - na. Kemulanipun sentana purusa.
2. Balu sane munggah kadi ring ajeng aksara : ha, na, tan keni pasuara ring paos : 86, aksara ha, na, miwah ca.

Palet : 3

Paos : 88

Indik Sentana

1. Mungging sentana rajeg wenten kaucap sentana rajeg miwah sentana paperasan.
2. Prade perabiannya tan ngawetuang sentana kengin ngidih sentana antuk upacara sekala niskala kawastanin paperasan paos 78.

Paos : 89

Ngangkat Sentana

1. Ngangkat sentana manut dadudonan patut macihna antuk widiwidhana ilikita saksi sane pinake Prajuru Desa lan keluarga.
2. Sane mekayunan ngidih sentana patut sakirang-kirangipun enem sasih sadurung dinane kaperas patut masadok ring Prajuru.
3. I Prajuru patut numbasang ring sang yogya minakadi Perbekel utawi Lurah nyiarang ring wewidangannya.

Paos : 90

Peperasan Sinanggeh Sah

Peperasan sinanggeh sah ri sampune makacihna kadi ring sor :

ha. Nenten wenten sane nyangkutin.

na. Widhi widana utawi upakara.

ca. Kesaksinin antuk pinih tampek sang kaperas, lan lawan sang memeras miwah Prajuru
Desa lan Dinas, saha kasiarang ring paruman.

Paos : 91

Sane Patut Kaperas

Sane patut kaperas anggen sentana luire :

ha. Jatma meagama Hindu

na. Keluarga saking purusa, yan tan wenten kengin saking wadu, prade tan wenten
kengin sakita karap.

ca. Kengin ngangkat sentana langkungan ring adiri.

Palet : 4

Paos : 92

Indik Warisan

Sane kabaos warisan inggih punika tetamian sane marupa luire :

ha. Druwe tengah.

na. Tegal miwah carik.

- ca. Artha brana.
- ra. Pemrajan Dadya miwah pura lan sapanunggilanipun.
- ka. Paguna kaya, tatadan utawi jiwadana, utang piutang, lan sapanunggilanipun.

Paos : 93

Sane Kabaos Ahli Waris

Sane kabaos ahli waris luire :

- ha. Preti sentana saking purusa utawi wadon, rajeg paperasan.
- na. Turunan purusa pernah ngunggahang mekadi rerame di nyama, misan miwah mindon.
- ca. Turunan purusa pernah kesamping mekadi keponakan, misan, mindon.

Paos : 94

Dharmaning Waris

1. Nerima saha ngutsahayang tetamiyan saking keluarganya.
2. Ngabenang ngelantur ngatma wedana utawi nyekah sang sane kawarisin.
3. Naur utawi nampi utang piutang lan sapanunggilanipun.

Paos : 95

Warisan Sane Tan Dados

Pah Utawi Kaedum Wiadin Kaadol

1. Merajan utawi Sanggah
2. Pustaka minakadi : Keris, tumbak, lontar utawi cakepan lan sapanunggilanipun
3. Sane patut ngeraksa utawi ngupepira wantah sentana sane ngamong karang ayah ngarep.

SARGA : VI

WICARA LAN PAMIDANDA

Palet : 1

Paos : 96

Indik Wicara

1. Sane wenang ngemawosin wicara ring Desa Karang Dalem kawastanin kertha desa kewangun antuk, luire :
 - ha. Klian Banjar Adat pinaka penua, prade wenten wicara patunggilan banjar.
 - na. Klian Desa pinaka penua prade wenten wicara patunggilan desa.
2. Klian Desa utawi Klian Banjar Adat maosin wicara patut kasanggra antuk krama Desa utawi Banjar, sakirang-kirangipun kalih diri, seakeh-akehipun petang diri pinaka panyanggra utawi pangabih.

3. Panyanggra ring ajeng kasudi antuk klian desa utawi klian banjar adat
4. Prade sang mawicara tan cumpu ring panepas i klian desa utawi klian banjar adat kengin numusang ring sang rumaos.
5. Wicara sane kabaosin, klian desa utawi banjar adat, nungkasin daging awig-awig miwah pararem.
6. Napasin wicara kaangge uger-uger tri premana, (cihna bukti keterangan) turin nepek ring catur dresta miwah sastra agama.

Palet : 2

Paos : 97

Indik Pamidanda

1. Bebacakan pamidanda sane kemanggeh tri danda luire :
 - ha. Artha danda, tegesipun kadanda antuk jinah.
 - na. Dewa danda, tegesipun kadanda antuk pengaskara utawi bebanten.
 - ca. Jiwa danda, tegesipun kadanda antuk ring banjar utawi desa wiadin kepatutanipun nunas pengampura.

2. Jiwa utawi artha brana pemedandanya dados druwen banjar utawi desa.
3. Anak alit sadurung maketus utawi durung mayusa 10 tahun luput saking dedendan.

Paos : 98

Lintangan Ring Panumaya

1. Ri kala wewenangan ngamedalang jinah mekadi pepeson lan sapanunggilanipun yening sampun lintangan ring panumaya keni kadenda agung utawi alit manut pararem.
2. Ri sampune keni kadanda 10% maweweh malih asangkepan taler tan naur wenang kerapag, manut tata cara kadi ring sor :
 - ha. Ngemargiang rerampagan i Prajuru, kamiletin ring i krama banjar utawi desa.
 - na. Sane kerampag pinih riin marupa ubuh-ubuhan makadi : ayam, celeng, sampi lan sapanunggilanipun
 - ca. Yan prade kirang, wenang malih prabot utawi palinggihan mekadi : timpas, kandik, lan sapanunggilanipun, palinggihan minakadi : sepeda lan sapanunggilanipun
 - ra. Yan prade kirang wenang malih, kekayonan sane mentik ring pekarangan kalih ring panegalan druwenipun.
 - ka. Yan prade kirang malih kakabon utawi bale.

3. Prajuru mekadi Klian Desa utawi Klian Banjar Adat mangda masekenang sehananin sane kerampag mangda katebus sajroning pitung rahina saking dinane kerampag wiadin awuku.
4. Kerampag patut kaadol tur kawentenang penawahan ring ajeng banjar utawi desa.
5. Penawahan sane kerajegan wantah penawahan sane pinih ageng.
6. yan prade barang-barangipun langkungan durus ring utangipun, patut jinah sane langkungan katiba ring sang sane nruwenang barang.

Paos : 99

Sane Tan Dados Kerampag

Sane tan dados kerampag luire :

- ha. Prabot paon minakadi : payuk, gebeh lan sapanunggilanipun
- na. Prabot kesawah mekadi : tambah, tenggala, miwah sapanunggilanipun
- ca. Bale yanipun madrue bale abungkul
- ra. Mrajan kalih penganggen mrajan lan sapanunggilanipun
- ka. Pustaka minakadi : Keris, tumbak, lontar acakepan lan sapanunggilanipun.

SARGA : VII
NGUWAH-NGUWUHIN AWIG-AWIG

Palet : 1

Paos : 100

Nguwah-Nguwuhin Awig-awig

1. Nguwah-nguwuhin awig-awig, kemargiang antuk paruman agung manut paos 25, angka 2.
2. Pemutusan bebaosan mangda kautsahayang wetu saking pekayun sagilik saguluk.

Paos : 101

1. Awig-awig puniki kemanggeliang sajroning Desa Karang Dalem.
2. Sakeluiring sane durung kaunggahang, sajroning awig-awig puniki patut kelaksanayang manut tata cara sane sampun ketah memargi
3. Awig-awig puniki kararemin duk rahina

UGER-UGER SANE PINAKA DASAR NYUSUN AWIG-AWIG PUNIKI :

1. Pedoman penyusunan awig-awig saking Majelis Pembina Lembaga Adat Daerah Tingkat I Bali
2. Undang-undang Perkawinan No. 1/1974 miwah Peraturan Pemerintah No. 9/1975. Perda Prop. Bali No. 06/1976.
3. Catur Desa.

Tur-keciren antuk
Kelian Banjar Adat
Karang Dalem




(Nyoman Metra)

Karang Dalem, 11 Juli 2010
Kelian Desa Adat Karangdalem



(I Made Purnawijaya)

Ketua Majelis Adat Kecamatan Abiansemal




(Drs. Ida Bagus Dipayana, MM)

Pemerintah Kabupaten Bongan
Perbekel Bongkasa Pertiwi



(I Made Suarjana)

Pemerintah Kecamatan Abiansemal



(Drs. Ida Bagus Oka Dirga)
NIP: 19620530 198602 1 002

DAGING KETUSAN LONTAR

1. Yama Tattwa Miwah Uma Tattwa
2. Siwa Tattwa Purana.
3. Raga Senggara Tattwa
4. Kumbara Tattwa.
5. Widhi Pepineatan.
6. Aji Siwa Mandala.
7. Aji Bang Bungalan.
8. Padma Usadi
9. Buana Tattwa
0. Aji Jaya Kesunu
1. Catur Yoga.
2. Widhi Sastra
3. Buana Kerthi
4. Eka Pretama
5. Sundari Gama
6. Miwah sane siosan

Bidangan : 01

AWIG-AWIG DESA ADAT PUNIKI
KASUDI KARYA

Kasudi Antuk :
Penasehat
Ketua
Sekretaris
Bendahara

: I Made Suarjana
: I Made Punawijaya
: I Nyoman Buda
: I Ketut Manuarta


Anggota :

1. I Made Suadnyana
2. I Nyoman Metra
3. I Ketut Mekil
4. Gst Made Candra
5. I Made Taga
6. I Made Sumeng
7. I Gusti Putu Oka
8. I Made Tangsi
9. I Nyoman Rapeg
10. I Made Pasek

(Klian Dinas)
(Klian Adat)
(Pengelingsir)
(Pengelingsir)
(Pengelingsir)
(Pengelingsir)
(Pengelingsir)
(Pengelingsir)
(Pengelingsir)
(Pengelingsir)

Ketua


Desa Karang Dalem


I Made Punawijaya

Bongkasa Pertiwi, 11 Juli 2010

Penyuluh Agama Desa

Bongkasa Pertiwi



I Wayan Jenek, S.Pd

MENGETAHUI
PERBEKEL DESA BONGKASA PERTIWI



I MADE SUARJANA

KACUMPONIN TUR KALINGGA TANGANIN ANTUK



BUPATI BADUNG

(ANAK AGUNG GDE AGUNG,SH)